


度世品經

第六

百七
一
退六

47989



元祿九年丙子二月日重脩

皇圖 聖圖 帝 齋 齋 齋

佛 日 增 輝 佛 佛 輪 常 轉

山 州 天 安 寺 法 金 剛 院 置

藏 書 印



度世品經卷第六

西晉三藏法師竺法護譯

述符



菩薩住胎有十事何謂為十欲得開化志住
小乘懷怯羸劣衆生之等菩薩悉見此輩心
念故現入胎或恐此等心發念言菩薩化生
德本自然不可學得故現入胎是為一事菩
薩悉為父母親屬往古宿世同學徒類及餘
黎庶俱植德本欲度此黨故現入胎或復有
人宿世積德因其胎中應受開化是為二事

菩薩大士心未曾妄安隱庠序而意常定是
爲三事菩薩若現在母胎時講法聖衆未曾
斷絕十方世界諸菩薩釋梵四天王俱來聚
會示現無數不可稱計無際聖慧在於胎中
顯其辯才而有殊特就度脫之是爲四事菩
薩若在母胎中時合大衆會及諸開士悉欲
來集因本所誓欲度脫之故爲說法皆使得
濟是爲五事又欲開化世間人民成最正覺
皆備衆德莊嚴道場故示現生於人間是爲
六事菩薩雖處在母胎中普自示在三千大
千世界猶如明鏡見其面像其志微妙大衆
學士諸天龍神捷杳和阿須倫迦留羅甄陀

羅摩睺勒諸人及與非人各心念言我往稽
首歸命供養菩薩是爲七事菩薩在於母胎
中時有大法門名曰大慧藏遊到他方異佛
國土最後究竟在胎菩薩俱共論講由是之
故使其菩薩現入母胎是爲八事菩薩現入
母胎中時有三昧名離垢藏承定意成不近
母胎在兜術天入於清淨住母胎中亦無所
入是爲九事又如來至真有大功德名離垢
藏華而見奉敬供養如來之業是諸覺佛在
母胎時菩薩聖旨皆遍十方以真大聖諸菩
薩衆有行名曰法界藏爲講此教入無極慧
菩薩因是現十善微妙遊居而立大安菩薩

有十事現其安諦何謂為十於是菩薩入母胎時從初發意乃至現於阿惟顏法成具佛業若入母胎續復自示在兜術天或復來下現入母胎已復出生故在母胎或示幼童不捨母胎示現在於宮采女中顯母胎中復示出生固在母胎示於精進勤苦之行現詣道場度世坐於樹下得佛正覺復現在胎而轉法輪卷六二在於胎中現取滅度遊母胎中庠序勸進入于大道在彼胎止而普示現諸菩薩行建立如來無極大道懷來道門是為菩薩現於十事庠序之行菩薩修生有十事何謂為十菩薩悉明其意安然現生清和演大光明周遍

三千大千世界最後究竟不復更生而現所
生無起不滅故曰為生思惟三界所生受者
猶如幻化現身出生十方世界其身顯示致
一切智如來至真皆演威耀告勅一切諸有
身者積累大慧三昧正受然後乃生菩薩適
生動諸佛國今衆生類心懷歡然消諸惡趣
蔽衆魔事各各驚言今者菩薩從某處來是
為菩薩十修所生菩薩忻笑有十事何謂為
十察其世俗縛在貪欲而自纏綿無能拔者
獨吾身力乃能堪任潰於斯黨是故而發笑
耳俗人多為塵勞之所迷惑自謂智慧無能
逮者是故菩薩而發忻笑自大遊逸我身名

号如此無上如來便以法身顯示大要遍於
三世今各生意求欲致是諸菩薩眼無所罣
礙從十方土至梵天宮乃復至於大神妙天
皆觀本末便自念言是衆生黨乃尔瑕穢菩
薩智力悉覩見之又見人民宿積德本還復
墮落見殖少福望無量報覩平等覺正真之
道無有侵欺觀古親友本時同學志菩薩道
各各修淨未具佛法已已爲達察本所居諸
天人民及在愚地不解正法心不動搖不以
爲勞如來至具有演光明名大搖安放此大
耀是爲菩薩十事忻笑菩薩行七步有十事
何謂爲十菩薩尔時自現幼童舉足七步示

有七財顯有殊異欲使地神所願具足自示
其德超於三界獨步無侶遊如龍王行若象
王舉動進止如師子步諸有往反所至到處
菩薩行步周旋舉動皆越一切當時天地變
為金剛其餘凡地不能堪任載持菩薩撫育
一切諸地衆生是故菩薩舉足七步又一切
人不解道義故復菩薩舉足七步應七覺意
覺諸不覺以逮正法無所依仰吾於世尊豪
無有上口自發言天上天下吾當度之是為
菩薩十事行步菩薩現幼童地復有十事何
謂為十悉知書疏筭術計校所當應宜答報
言辭無所不了故以是事顯示衆人又復示

現上馬騙象乘車往反神仙呪術與衆超異
桴蒲博掩伎樂歌戲超群越衆其身口意示
有罪福而無殃豐以不憍慢三昧正受遍於
無量諸佛世界現在衆生而開化之菩薩顯
德其慧過於天龍鬼神阿須輪迦留羅甄陀
羅摩睺勒釋梵四天王咸來歸命又復自示
釋梵四王色貌形像復以菩薩容貌自示顯
其道業菩薩現於人民各異若有貪樂愛欲
調戲或復愁憂憤亂衆生爲現歡悅令愛樂
法常以法會有所長益奉敬如來遍見十方
以法光明如來威神現其安詳清和默然因
化衆生是故菩薩現其幼童在於後宮多所

救濟菩薩現在中宮處嫁女中復有十事何
謂為十與其宿世俱共同學菩薩因欲化此
衆生顯示德本故在後宮菩薩又以殖德本
者應當勉濟故現後宮諸天人憍豪自恣
富貴自猗因此菩薩現大豪貴尊因而降化
在五濁世隨時誘進化度佛土雖在中宮不
廢三昧勢力無雙往古衆生興立誓願菩薩
欲使如意悉得故現後宮欲令父母家室親
屬本願備悉以大法音伎樂歌頌筚篥樂器
奉敬供養如來至真僉令効之于時菩薩在
於後宮了成佛道定意不動從初至終成最
正覺而轉法輪至大滅度所以示現以法護

之救濟危厄使入大道是為菩薩現在後宮
最末究竟棄國捐王入山得道菩薩捨國復
有十事何謂為十示猒塵欲故現出家見於
世俗多所染著欲使衆人不猗瑕疵顯現賢
聖正真履跡柔順之義菩薩居業欲暢道化
歎出家德以權方便現於二際徐軒隨在諸疑六
十二見拔之令出衆生貪欲勤勤為安為顯
衆難使棄所猗安樂之想為著三界馳逸衆
類示現先應故出家耳其意興盛無所依仰
猗不可計故現出家又示逮得如來十力四
無所畏隨時而教最後究竟臨當成佛法應
當然是為菩薩十事棄國捐王菩薩現勤苦

行復有十事何謂爲十欲得開化小學之士
故現六年進一麻米又欲勗勉猗著諸邪六
十二見爲諸失德衆生之黨指示其業罪福
之報亦爲雜穢迷惑世界隨時勸道現已勞
患能伏情欲示二等緣緣是之故受眞諦法
諸貪愛欲重自安已馳逸衆生令淨其心又
復示現菩薩精進勤苦志道最於後世臨欲
成佛示不更生用精進故諸天人民根不純
淑及外異學使從訓誨是爲菩薩示十苦行
菩薩詣道場復有十事何謂爲十演大光明
照於十方使衆知之故詣樹下亦欲感動諸
佛國土顯示已身使普佛土皆共見之又復

暢示諸菩薩等及諸衆生前世所行悉來從
斯稽首受學現其道場所坐樹下莊嚴清淨
隨衆人本應時現身威儀禮節佛樹靜然使
諸世界如來至眞各自現身諸可經行舉足
下足常修三昧不離定意覺了聖道不犯須
臾諸天龍王捷沓和阿須倫迦留羅甄陀羅
摩睺勒釋梵四王現來恭敬衆人見之莫不
發意大慧無礙菩薩所行普觀十方念諸如
來曉了方面在諸國土現成正覺是爲菩薩
現詣佛樹菩薩坐佛樹下復有十事何謂爲
十以無數事動諸佛國故坐樹下皆欲照耀
十方世界而悉消除一切惡趣亦復建立一

切境土咸爲金剛觀諸如來處師子牀心所
思念等如虛空現身威儀咸以隨時歸趣金
剛道場三昧其諸如來所止處受於清淨自
承勢力以趣德本勸立一切群生之類是爲
十事坐佛樹下菩薩坐尊樹下有十致未曾
有何謂爲十坐佛樹時致未曾有自然之法
遼度世 卷六 五
十方世界諸如來至真等正覺各現面像申
其右掌各自讚歎當使導師得勝得勝則是
第一未曾有法菩薩若復坐佛樹時一切諸
佛皆共念之遣威神往是爲二事坐佛樹時
古昔同學諸菩薩等僉俱來至周帀宿衛住
定意門以若干物而供養之是爲三事在樹

徐軒

下時十方世界草木華實及諸藥樹雖無神
識自然屈形而共曲躬向於佛樹而稽首禮
是爲四事有大定意号積法界超越一切諸
菩薩行假使逮得此定意時其功德明越衆
開士是爲五事于時菩薩立身海蔵離垢光
曜揔持之場使諸如來闡大法雨是爲六事
則以柔奕頂之度去供養如來菩薩坐於樹
下普遊諸國無所不遍是爲七事菩薩若坐
佛樹下時其行亦如慧上開士普見一切衆
生根本心念所奏是爲八事坐佛樹時自然
善致佛聖覺定適得斯定普周無量三世之
事猶如虛空是爲九事坐佛樹時則以己身

明識三世其大聖慧而無等倫演離垢光是
爲十事未曾有法菩薩何謂降魔官有十事
降魔官屬何謂爲十衆生同塵著於世俗生
死之患不樂戰鬪是故菩薩現大勢力降魔
官屬諸天人民貢高求名欲爲除斷自大之
難佛欲開化魔及兵衆諸天人民僉共娛樂
俱來聚會因是化之菩薩力勢無有雙比亦
復顯現欲使人知亦欲勸悅一切衆生顯其
利議亦欲愍傷將來世人在佛樹下降魔官
時悉已越度諸魔境界無有塵欲無力不力
見諸薄力而現德本示慈心力降魔官屬隨時
歡悅愛欲塵勞貪欲之世化以道法觀此十

義是故菩薩降魔官屬菩薩成最正覺示如
來力亦有十事何謂為十能伏諸魔業塵勞
之穢具菩薩行樂諸菩薩一切定意而以自
娛上衆開士聖慧之堂究竟成就諸清白法一
切行義為諸世間善思惟行其身普遍十方
世界演其音響等心衆生皆暢威神而建立
之過澁去當來今現在佛如來至善具身口心等
度世 卷六 六
無所妄想一時之間普達三世有三昧名善
覺覺意得是定時入佛十力以能與此處處
有力至漏盡慧是為菩薩如來十力成最正
覺住是力時諸佛普至故曰如來已成正覺
如來至善具則以十品而轉法輪何謂為十致

四無畏入清淨而暢慧音四分別辯又善曉
了越於四諦遊居無礙正覺脫門曠意愍念
一切群生消除不順侵枉苦惱邑感之患不
閑之難不違往昔無蓋之哀消清和辭周十
方界無央數劫班宣經法不以勞懈善分別
解根力覺意一心悅門禪定正受是爲十品
成正覺時以無量義而轉法輪已成如來至
眞等正覺轉於法輪十清白法觀衆生心憤
憤無閑歡悅其志今得亘然何謂爲十前世
宿命所願力勢之所致也不違本誓威神建
立無極大哀不捨衆生而救濟之興顯聖慧
而爲說法隨時建立而宣傳之應時令解使

無缺漏明識解了三世之慧其身所行永無
所造其意所宣無有形想所暢慧者隨音輒
解是爲十事清白之法而轉法輪如來至真
以作佛事觀見十義現大滅度何謂爲十常
爲示現審諦非常一切有爲顯如呼喲普詣
安處無爲之真除諸恐懼諸天人人民著於色
身故現色身如是無常法身常存而爲分別
合有別離諸所有爲彈指已過豪無堅強一
切三界猶如幻化衆想危脆無爲最堅爲想
道法無有毀壞諸習離別悉無所成爲示碎
散法自應然諸佛世尊所作佛事皆已具足
善轉法輪決諸狐疑今隨律教授菩薩決無

有進退脩大滅度是十觀義如來至真取滅
度矣無有沒化普賢復白是為佛子名菩薩行
淨大法道門吾今所演法門之要粗舉都較
如來至真所班宣義不可限量悅衆明智諸
菩薩行皆承大願未曾斷絕假使人聞歡喜
信者心以懷信則習奉行成就此義皆當疾
成無上正真之道為最正覺所以者何計菩
薩道以行為要未曾離行是故菩薩大士當
住於行以能行此菩薩功勳入分別義好如
蓮華輒能得入一切法門無極聖室度世徑
路離於聲聞一切緣覺之徑路也化諸衆生
無所懷俠照一切法經法門勸諸群黎使得

長益度世法門當至心聽度世法品受持諷
誦一心思惟修道目門奉遵所願行如是已
菩薩所求終不難得疾成無上正真之道說
是經時宣諸法門演度世法品十方無量不
可計會諸佛世界爲大震動皆佛威神之所
興化宣致此法得是經典一切佛土自然動
者而大光明靡所不耀十方諸佛皆各現身
而遙讚歎普賢菩薩善哉善哉最勝之子隨
時講說菩薩大士功勳之德分別正義一何
快乎開闡班宣度世法品如汝佛子本學真
諦解達斯法今者善說承經威德光明清淨
經典之要我等悉解諸佛亦然吾等亦共稱

譽此經於今現在十方諸佛為諸當來諸菩
薩學未聞者施慈恩廣大乃如是乎於是普
賢菩薩大士承佛聖旨十方眾聖之所接護
觀於十方察諸眾會普瞻法界而說頌曰
修千億兆劫 勤奉難限量 歸千載姪佛
因生諸法子 開化於眾生 立道無崖底
咸共一心聽 歎佛無等倫 供佛不可限
已不著佛道 解群梨塵欲 不想計有人
見佛之功德 不依其名勲 嗟歎彼尊所
歡悅世巍巍 已除罪塵魔 普現於三世
其德超眾聖 顯殊異力行 燒盡癡愛行
志性存寂寞 現行眾齊限 今當歎功勲

最聖所過度

衆生趣如幻

爲示若干變

令人除自大

適發心之頃

普能悉曉了

今歎彼功勳

衆生所奉敬

覩苦惱衆生

五徑生老患

終亡憂感危

愛欲所傷害

愍欲度此等

故建廣尊慧

當歎此功勳

且共一心聽

施戒忍精進

一心以自娛

權慧度無極

施以無極慈

悲喜樂於法

百千劫護行

今當歎此行

聽所說功德

以求佛道故

消千億骸身

不貪惜軀命

是爲殊道真

精勤爲衆生

常復欲安己

歎能仁超行

志懷愍哀慈

無數千億載

劫數歎名稱

以一毛取水

尚可盡大海

摩訶般若經卷六

徐軒

所行精進德 過是不可喻 且聽佛境界
所現愍群庶 為衆生之故 長清白德本
志性不卒暴 不猷道法藥 建立衆生處
慧江淵智樹 卅尊如天地 群黎常戴仰
慈濡愍為根 護禁仁為莖 尊勲慧華葉
戒香甚清淨 悟諸不覺意 衆生愛敬行
無著等蓮華 衆生見歸命 解脫為種稷
身本性懷慈 智慧善權行 五枝度彼岸
禪葉神通華 一切智果實 神足尊法樹
弘覆於三界 本修清淨跡 長育廣慧義
師子頸頤念 智慧淨繒首 空慧義第一
慈愍度卅明 無我如師子 能吼降衆魔

得越生死曠

衆民邪塵欲

度所有家業

奉要行除愚

迷惑示正路

顯佛無上道

立志無恐懼

爲殊勝導師

衆生姪怒癡

冥塵若干蔽

長夜隨有爲

苦父母所惱

見群黎出生

以哀療愛欲

講八萬四千

用治棄衆病

此降伏魔塵

以法訓衆生

棄惡無所習

求嚴淨佛德

解法兩足帝

一切智慧尊

以賢聖之財

寶廣覺冥衆

戒三昧自娛

以聖淨智慧

用明達力刃

度塵無恐懼

作變於法幻

因轉最法輪

亦不退迴還

一切異學意

曉了深盡慧

普生其法味

覺意寶神足

開難化民庶

住于通慧力

嚴淨三為君

斯為大慧海

無雙說無盡

以越度世俗

不著三處眾

以成禪神通

慧如山無動

其有比清淨

無及智慧明

德聖超須弥

愍住眾生仰

性強若金剛

所修皆要固

其心不可毀

重法奉普智

遊眾魔塵欲

在世住無畏

消恩愛燃熾

揔攝俗群黎

普布於慈雨

演愍哀光燦

四神足雷鳴

能仁寂暢音

雨四分別辯

清和八品道

以此大陰雨

消滅眾塵勞

智垣璧趾漸

時法幢為幡

聖如墻解門

意念守門者

四諦成徑路

淨神足嚴跡

法幻為城郭

主三世降魔

樹心一切智

堅住足飛行

如鳥獨遊行

慈愍為明耀

教化如鳳皇

眾生無能逮

狀度生死海

立志上泥洹

以戒之道場

興慧華鬚淨

以明消塵勞

枯竭恩愛染

增長藥根力

淨眾佛上道

則奮法日光

以照眾生界

法境場等淨

不捨等眾生

一切照諸學

聲聞緣覺乘

心普見三世

消念所增損

意聖慧超異

暢眾生如空

於法得自在

在眾嚴德像

興明執金剛

常立在法地

身相若干好

清淨越諸世

為眾積經典

群梨最尊法

以越於三世

愛網眾塵勞

慈愍諸世俗

樂法作慈護

現身於三界

法音告一切

清淨猶如梵

濟邪見無樂

清淨度生死

境界法豪尊

不復重退還

大意攝蠕動

法尊超於世

以慧懷來衆

一切功勳最

大稱普染世

自然如虛空

除一切顛倒

在衆造超異

永不著諸界

普入清淨行

亦建立衆生

其智極玄妙

斯慧淨復淨

權使曠如地

普遍五衆生

其慈猶如水

洗除衆塵欲

以慧消愛欲

拔濟衆穿漏

世尊無崖底

遊三世如風

斯黨猶如寶

濟諸貧乏道

如金剛無侶

棄三處諸見

其音若干品

普德嚴三界

尊如夜明珠

其行立首頂

功勳如衆華

覺意以自娛

斯等如華鬚

超世誓正願

其誠香清淨

兒具無缺漏

以淨塗法香

慧布於三處

其行如高蓋

覆去塵勞欲

以跣立慧幢

報意無二跡

以行雜幡綵

修慧而懸智

諦羞耻衣服

以德覆衆生

無量界居乘

馳遊於三世

調定如龍象

其心常堅住

神足遊三世

越度大重檐

亦如大龍王

所布雲法水

亦如靈瑞華

衆人所難遇

斯等如勇好

降魔拔塵勞

亦如無轉輪

導師所班宣

現群黎終始

如冥中火炬

其德如江河

順路如流水

斯等如橋梁

常執載一切

如嚴淨舟船
住衆明地最
以慧法脫門
消除塵勞病
其行如正覺
等心了衆生
猶若一切智
濟若干衆生
其力不可量
解慧曉衆生
諸色皆平等
離名音能現

以慧願度淵
遊觀夜娛樂
嚴慧淨宮殿
如雪山雜藥
慧寤諸睡寐
斯所從來處
入普門慧室
以自在佛慧
一切莫能當
一切民庶像
字類諸音聲
一切衆生類

亦復如船師
爲衆顯真樂
亦復如衆藥
妙慧爲屋宅
其道平等覺
如勝行誠信
斯等多所化
遊一切智界
其慧無所畏
顏貌名無際
悉度衆色像
不任宣德耀

其修此功勳

捨非建立法

現在為慧父

以遠有無際

則為一切智

於慧第一明

嗟入無著行

遵敬歡悅世

解了諸法門

如幻常空寂

往古願行哀

亦承佛聖旨

離慢顯慧門

而現若干變

皆共一心聽

菩薩之功勳

則以一身形

廣現無數

無心意境界

眾生不見心

演出一音聲

越諸辭境界

隨一切群黎

言語而班宣

以捨眾生身

欲報所行體

解音無所有

而暢眾聲教

心寂寞顯耀

覺諦如虛空

梨庶世各異

亦為示若干

究竟無有身

尚復現有形

隨眾之所生

得立報應果

皆入諸所生 不著於所生 己身如虛空
不想若干人 其身不可量 明智悉能現
奉敬天人尊 歸世一切智 華香雜擣香
伎樂繒幡蓋 身命自投地 供養上聖尊
住一最勝下 皆立諸佛前 覩見諸衆舍
常問無等倫 聞法逮三昧 一臺無量門
從本所舉住 意勇現無量 善權智慧業
以度于彼岸 曉衆生如幻 自致得佛道
遍見別異心 無量色音聲 入於求妄想
無著普現衆 或復現第一 爲衆生顯心
或有行道者 見無量梨庶 布施戒忍辱
精進禪智慧 或受梵跡行 或現上妙行

或有行成滿
得忍示瞋恚
一及生究竟

或阿惟顏佛
或顯聲聞像
或復為緣覺

億載國現滅
亦復不滅度
或斯忒利釋

須倫梵天王
玉女諸眷屬
或復獨遊步

比丘心寂寞
或復為國主
入法網慧界

或顯妙色像
從天而沒來
或現女人像

所度於無極
或示在露精
或在廣欲禪

若積忍辱業
曉逮真諦地
現目見心行

或示入胞胎
於胎成正覺
而復轉法輪

或生顯滅度
或復學伎術
女人中三昧

衆業已備悉
現棄國捐王
或復佛樹下

逮成最正覺
或現轉法輪
顯現若干品

衆業已備悉

現棄國捐王

或復佛樹下

逮成最正覺

或現轉法輪

顯現若干品

或佛化衆生

遍億千國土

示現不退行

佛亦無家業

入想度無極

遊於億千劫

一心所顯現

境界百千劫

諸想無有想

為衆現劫數

無數無所說

而現有周旋

見有作寂業

普降於衆生

皆由降伏勝

彼處為澹泊

佛國衆生界

入諸法報應

究竟百億劫

所宣不可窮

入衆生如是

廣智曉黎庶

則以一人身

報無量變形

亦以一幻術

常悉周一切

此說度無極

教諸不覺者

解諸根通利

中間調定本

諸根得自在

衆生無有業

一根入諸根

各各懷貪猗

禪滅甚微妙

所住諸入根

是脫信施性 不止塵欲行 過去當來心
現在亦如是 衆生度彼岸 無去亦無來
盡曉真諦行 爲衆演上法 心如此若干
心行塵無漏 一心入正道 甚解一切智
心在佛無心 住第一上慧 一發心之頃
解別自然慧 神足度無極 識別一切聖
神通發念頃 至無量載國 普遊亦如是
億百那術劫 宣智不可量 不動普徹力
幻師求財業 衆中見諸像 無色見諸色
幻者無所有 權慧亦如是 入於廣法幻
現若干種變 普遍於世間 如日在虛空
清淨無微翳 猶如清淨水 見底之所有

法界場淨然
心不住邪見
無數億載歲
普現一切義
處世間方俗
不想已說慧
隨衆生言響
野馬人起想
衆生欲興如
慈愍益更興
想悉如野馬
識現若干變

慧明爲遠照
如夢種種思
長夜不可盡
竟住百千劫
如山頂門闌
菩薩曉了此
現法音無想
馳走謂有水
志求立解脫
佛說色如沫
行者譬芭蕉
演五陰如此

見人界清淨
覺則無所有
自然法等然
一時頃盡慧
一切所暢音
諸法自然尔
譬如春夏月
虛渴益更甚
得慧無人想
痛痒如水泡
其心猶如幻
達者無所著

諸入空自然

隨已有所作

以等於法界

現離衆生土

六事寂眞諦

說若干不定

是爲分別解

諸法所徇著

無來無去處

亦無常住處

恩愛之報應

罪福轉三世

分別因緣生

無住而拔者

至誠求本末

依徇無所有

了三出一等

一時現若干

在欲無色界

普能顯境土

從行致三護

濟脫於三處

咨嗟宣三乘

歸一一切智

剖判法處處

今度諸根原

已解塵勞界

自在普遊居

識念過去事

明眼滅塵勞

曠慧佛十力

亦不得諸力

覺一切空意

現觀衆生法

無愛欲穿漏

亦不得盡儻

入於諸所生

慧廣不失眾

勝子勇住此

善施選擇行

不缺不動道

其意不忽忘

好精進定意

智慧消諸穢

悉造慧法護

今現於三世

慈法眾生侶

無為無所得

其行此法門

逮致宣揚德

粗舉其功勳

莊嚴諸至義

嗟歎其所行

億載劫無盡

粗舉其要慧

如取地一塵

依倚佛聖慧

住未曾想念

精進堅慈心

超遵一切業

勸眾而教化

禪誠不可動

逮得正決行

皆号為佛子

通入佛功勳

念國眾生行

入於無二想

慧超無馱難

得辯力揔持

度以真諦義

讚無等倫心

逮成最正覺

普思賢功稱
近尊淨妙道
識別得勢力
班宣最上法
究竟住聖旨
得致弘佛道
住深猗勇猛
善報度無極
以度雜碎智
爲衆生苑囿
示衆無數淨
善說度無極

誓願尊妙行
解淨度無極
逮成最上道
超德執聖鎧
等心除雷音
智建立無想
蠲除衆生疑
下入平等跡
神通自娛樂
清淨行宮殿
其心不動搖
嚴淨道見中

愍哀緣修慈
究竟權滅度
解致普等慧
在道尊法位
御慧化慢跡
致撫育之堂
思慧次第法
慧部覺普智
明照脫塵勞
現若干妙行
究暢志性明
奮慧光明耀

無雙無怯弱

其意如大山

德行至無極

知如海無盡

若寶室金剛

堅住大德鎧

所設極廣大

善解莫能壞

授決當至道

由住廣大心

得佛無盡藏

覺成一切智

常護慧自在

曉了現變化

衆生國法界

住慧顯權變

身願建遊行

慧變亦如是

現億載無量

以悅樂梨庶

顯力神通飛

究暢娛樂力

還致覺境界

難化衆生類

勇猛無所畏

嚴智無言辭

一切為佛子

其身大清淨

體業甚廣長

口言亦清淨

樂建慧至誠

最勝造十業

心心發甚心

顯遍最為上

定意教諸根

勝諸原堅住

清淨除諛諂

性行常質直

以致入解脫

現眾若干變

棄捐所止處

執懷上品業

成其所當善

解達一切智

不捨住寂然

住於上淡泊

出生号功勳

善學於大道

求心無量業

奉行無所著

現道庶深淵

堅立入眾生

所行以為手

腹強慧最上

其意如金剛

愍鎧聖淨枝

智慧首觀法

識道行博聞

戒香為清淨

動靜為最上

身心遊言辯

心慧為最勝

所行至佛道

坐於師子牀

梵行迹卧寐

最空行無為

明為往安界

光所照若斯

觀察知眾生

行若干頻伸

布施離慳貪

不輕慢禁戒

忍辱捨瞋恚
慈心等衆生
義寂順道法
明智照廣遠
制己立在行
志性稽首奉
勗勉魔所困
摠義至無上
所生現豪尊
示現在後宮
近空光明耀
轉法輪之跡

精進最第一
愍哀無馱法
以福施衆生
博聞無馱足
得脫魔徑路
棄捐于貢高
從佛之威神
所作後追身
初生行七步
棄家無所慕
習廣至誠業
示在佛道地

禪智得自在
清淨盡塵勞
聖慧利如犀
無畏拔妄想
所修佛慧業
常遵爲道義
大意隨法教
超嚴度無極
普顯諸伎術
修道至上奉
降魔逮上道
大師無等倫

此行無崖底

粗現或廣遠

積行億載劫

以是為娛樂

億百千眾生

精修住佛德

法者無有人

及著一切行

此行合慧義

神通以自娛

億千諸國土

一力百載劫

手掌擎周行

億載國不勞

尋能還復處

不逼惱眾生

諸佛國嚴淨

現之如有限

皆令眾生類

入於一毛孔

使其四大海

在於一毛孔

不增亦不減

益眾無迫惱

掌捉大鐵圍

億姪如一塵

移億江沙土

還復著故處

取國并其土

或有破壞者

以無心降伏

所入不可盡

假令百千日

一切月照眾

明珠大炎光

及諸天須倫

演一毛之光

其耀超億載

演無上法已

皆消世惡趣

若干種言音

衆生無餘辭

暢一音教已

皆周入諸訓

得聞柔輭音

巨億衆忻然

佛所講法音

咸共悉聽之

計其過去劫

而覩當來事

若當來現在

為顯過去行

示限諸佛土

危壞復還復

以諸衆生億

悉具入一毛

十方佛威神

建立得越度

皆已身真語

感動現變化

明者住無慢

曉了衆生心

隨其身示現

離垢不貪己

一切諸人身

口言所歸趣

釋梵四天王

諸天及世人

聲聞緣覺乘

皆從佛身出

示奉行佛道

至於一切智

皆入思想網
常現佛道國
從其本行道
善廣極現上
所現無所現
為顯真諦業
戒香衣自勳
普智如意珠
逮度無極倫
至智上明珠
唱導以善權
慈愍鎧為城

清淨中瑕穢
念分別思想
國為現所修
世俗所不及
復能有過者
其身等如空
寂然德莊嚴
明智已備悉
常施最神通
其行淨妙女
德善本法輪
弓弩智慧意

建立於普智
揔世自在智
所感動如此
為現如斯教
因梨庶性行
其名聞三世
被法離垢繒
功勳住普智
慧神足無礙
殊勝攝四恩
居空定意尊
諸根明為箭

建立為世蓋

聖慧時幢幡

因降諸魔勢

伏以忍辱力

土地攝揔持

行慧淵智樹

覺意華三昧

神足嚴娛樂

解空為浴池

脫門要淨妻

曉法甘露食

樂戲以三乘

是行為最尊

殊妙不過此

億姪百千劫

未曾興懈倦

恭敬聖淨土

曉眾樂無住

立慧諸妙樂

具足一切智

勇猛計諸國

天雨消諸穢

眾妙尚可盡

虛空亦可度

須臾一時間

可曉眾心念

嗟歎諸佛子

百千劫無盡

欲致淨功勳

慧無能過者

濟度終苦患

今立於永安

至無盡平等

安住身口意

當堅固其心

造行如金剛

普賢菩薩說是語時三千大千世界六反震
動其大光明普照十方筵篔樂器不鼓自鳴
諸天人民莫不欣慶聲聞弟子皆來歸命諸
菩薩等皆言其誠一切衆會皆共歡然悉發
無上正真道意普智菩薩復白佛言道從有
言無言致乎佛言亦從有言亦從無言墮在
五趣生死之難五陰六衰所見鞿絆十二因
緣六十二見擾擾不安或十二海不度彼岸此
諸事業百千種病故佛設教施以法藥戒定
慧解度知見品四等四恩三十七品六度無
極十二部經空無想願四諦三脫及以三寶
以用療治此諸穢病藥爲病施無病無藥三

毒衆穢皆爲重病至正眞慧而日不病因緣
所縛不解道者故佛爲暢曉喻文說聚沫水
泡芭蕉野馬影響幻化夢月慌忽以解其意
此事皆虛因惑而生不貪世俗習道法藥六
度四等四恩衆事奉行此業得至於道解諸
言教本皆無言或有佛土無有五陰六衰三
毒因緣之縛故無文說無身無言虛靜寂寞
解無三界不住有爲不處無爲不處中間是
爲名曰從無言致普智復問今者衆會來集
於此或有深解諸相明徹或有中人可進可
退或有下士不知所趣達者無疑中間下士
皆懷猶豫所以者何聞吾向者問二百事普

賢菩薩答以二千各心念言事物煩鬧不知何事可奉可捨願佛分別開解其意以何等故事有二百答以二千佛言善哉善哉所問一何快乎汝將來疑令諸學者不挾經網佛言諦聽善思念之當爲汝說是義所趣答言受教佛言用有二故故問二百何謂爲二有神貪身計有吾我有內有外在有在無故問二百又復問曰用有此計故有生死何故復鄭重問二百事世尊告曰其二百事所可諮問皆除吾我內外有無則以權慧開化無際不得內外乃得至道開化一切普智復問普賢菩薩何故復重二千事答世尊告曰十方

一切皆來集會其心各異意行不同達者聞
要則以至道不能達者爲演多辭曉喻文說
牽攀義者自所覩形以喻其意乃得解慧如
衣多垢以淳灰浣若干反數乃得淨耳然後
染之其色乃鮮譬如有人欲起屋宅其地高
下不能平正多有溷廁虵虺毒虫高下平之
除去不淨擯棄虵虺築牆圍基乃起屋宅菩
薩如是除去五陰六衰十二因緣吾我諸蓋
行大慈哀智慧善權爲衆法舍爲世閒護爲
世閒臺普智復問何謂法舍世尊告曰教化
一切皆入空慧無憎無愛心無妄想度脫衆
生是爲法舍普智復問何謂爲臺世尊告曰
以六神通徹視覩見十方心念徹聽有形亦
察無形身遍十方無有去來道心覩見一切

以六神通徹視覩見十方心念徹聽有形亦
察無形身遍十方無有去來道心覩見一切
根原本無處所見已本際不處有無不處生
死不住滅度開心一切皆至大道是曰爲臺
何謂爲護世尊告曰隨時開化入於五道而
淨五眼何謂爲五一曰肉眼處於世間現四
大身因此開化度脫衆生何謂天眼諸在天
上及在世間未識至道示以三乘各今得所
何謂慧眼其不能解智度無極皆開化之使
入大慧何謂法眼其在徧局不能恢泰悉開
化之解法身一無去來今平等三世何謂佛
眼其迷惑者不識正真陰蓋所覆譬如睡眠

示以四等四恩之行布施持戒忍辱精進一
心智慧善權方便隨時而化進退隨宜不失
一切各令得所皆發無上正真道意普智復
問何謂此經名度出品佛言一切衆生閉在
世間何謂爲閉五陰六衰之所覆蓋纏綿生
死不能自拔以權方便智度無極消法五陰

捐棄六衰不計吾我不在生死不住滅度摩訶言
如日月晝夜演光權慧如是忽然無迹德如
虛空無有譬喻是故名曰度出品佛說如是
普智菩薩普賢菩薩諸來會者天龍鬼神阿
須輪聞佛所說莫不歡喜爲佛作禮
度出品經卷第六

